

\*\*\*

Mèrtè jau rēks, vuo kèik nenuorio!  
Kuoki brungi kuožna dèina!  
Kad i skaust i kuojės, i nogara,  
Kad i šèrdès retā bemoš,  
Kad i slunkiujoi kap šešoulītis  
I jaunīms velīs puo kuojiems.  
Jug žėnau, ka TÈN būs tīliau:  
Omžėns atilsis – kap gėismiesė.  
Nieks nepīksės, nieks nerėisės –  
Net i tėti, kor kiaurā pjuovies,  
Tīkė būs, sulaiduotė šalėp,  
Kap i tėti, kor mīl kėts kėta.  
Bet ka pažvėlgi i aukšti,  
Negali dongo atsidžiaugtė.  
Kuožnos debesės – vės kėtuoks,  
Kuožnos aukštā lakstous gondros.  
I vėsā netrauk tèn, dongou,  
Laimie omžėnuo gėiduotė.  
Alksniu tū jug tèn nerasem,  
Ne tū klevū, ne tū beržu –  
Tuokiū baltū kap golbelė,  
Kap mergelės par pèrma komonėjė  
Su žvakeliems, žalės rūtās  
Mažuosė vėrpunčiuosė ronkeliesė.  
I jau nieka nebipadėrbsem,  
Žuodė – i tuo jau nebištarsem.  
Vuo kū būsem čė pasakė,  
Dėdlė greitā vėsė užmėrš:  
Negīven be žmuogaus žuodė –  
Tėrpst kap mėgla, nīkst kap dūmā.

*Vilniou, 2004-09-17*